



## Պարույր Սևակ

### Անվերնագիր 16

Ծառերն են բացվել, բողբոջել նորից,  
Մայիսն է կրկին իջել ձեր այգում.  
Բուրմունք է ելնում տամուկ հողերից,  
Ծանոթ խայտանքով սիրտս վարակում:  
Գանգուր բաղեղն է աճել վերստին,  
Փարվել չափարին ծաղկած ձեր այգու,  
Կարոտդ է այդպես փարվել իմ սրտին,  
Գաղտնիքդ սակայն... լեզուս է փակում:  
Գարո՛ւն: Աշխարհում նորից հիմա նա  
Ինչ ունի՝ փռե՛լ, բացել է ինքը:  
Ինչ լա՛վ է գարնան գաղտնիքն իմանալ,  
Երբ թաքուն է մեր... սիրո գաղտնիքը:

22.V.1946թ. 21.VII.1953թ.

Երևան Նավչալու